

乾

象

通

鑑

乾象通鑑卷第三十三

河間府免解進士臣李季奉

聖旨編

列舍房宿前論

房宿統占

房宿所主分野度数

房宿所管星

日蝕房宿

日暈房宿

月蝕房宿

月暈房宿

月犯房宿

房宿統占

傳曰房四星爲明堂天子布政之宮也其四星四輔

也下第一星上將也次星次將也第三星次相也
上星上相也南二星君位北二星夫人位又為四
表中間為天衢為天闕黃道之所經南間曰陽環
其南曰大陽北間曰陰環其北曰大陰七曜由乎
天衢則天下和由陽道則旱喪由陰道則水兵亦
曰天駟為天馬主車駕南星曰左驂左眼次右驂
右眼亦曰天廐又主關閉之所也房星明則王者
明驂星大則兵起星離民流

星讚曰房為天子明堂以政道教

黃帝曰房星明王者群臣奉忠

却萌曰左驂左眼亡則東方南方不可舉兵右驂右眼亡則西方北方不可舉兵

井德曰房星動外則財寶出動內則財寶入

陶隱居曰房星明則群臣奉職天下太平暗則群臣亂政王道不行常以三月候房日月出表南大旱出表北陰雨出中道爲太平

古今通占曰房王者布政之堂黃道之所經也又爲天衢日月五星之常道也星潤則王者務德化以治天下星明而有芒角主大臣失職王道不行星出怒角乍東乍西主大臣竊主權專恣誣君若星

疎拆主王政大壞星就聚則天子有急令星暗主
天子昏亂四星俱亡則天下有更王一日有彗政
大象旁通曰房星喜明潤光澤不貴明大出角若他
星守之王者更法令百姓苦之

房星所主分野度数

房四星五度距南第二星去極一百一十五度在赤
道外二十四度舊經距南去極一百八度

唐行一測房距南去極一百二十度半

天文錄曰房宿所主宗蔡頴川沛外國諮尋勃律黑
衣并九小國

房星所管星

天市西垣入房四度

貫索星在天市垣北其門右星入房三度

積卒星在房心南其北星入房三度半

健閉星在房東北頭星入房四度半

從官星在太子西入房四度

西咸星在房西北星入房五度

鈞鈴星其西星入房三度

日蝕房宿

天文錄曰日在房蝕戒之三公九卿有相讒刑慶事

天文揔論曰日蝕房憂兵事

武容曰日蝕房王者有病大臣專權

陶隱居曰日蝕房王者昏亂也

古今星擇曰凡日蝕在房其占不一或以謂三公九卿相譖或以謂王者疾病大臣專權又曰憂兵起其說雖異各有收當日在房蝕從上始者天子有憂亦曰王者病從下始者大臣切主柄亦公卿相譖也從中始者有內亂亦王者昏亂之象

大象旁通曰日在房蝕主天子失勢王道不行若蝕之歲既其國亡君

陳卓叙占曰日在房春蝕甲乙主天子傷木德國有
憂日在房夏蝕丙丁主天子傷火德其國憂兵日
在房秋蝕庚辛主天子傷金德刑罰不中天下有
冤獄日在房冬蝕壬癸主天子傷水德其國饑饉
責民死四字日在房蝕戊己主天子傷土德其國
有土功民多勞怨

唐真觀十八年十月辛丑朔日有蝕之在房三度占
曰將有憂

日暈房宿

天文總論曰暈房有兵起

武密曰日暈房兵起君失位

王蕃占曰日暈房君失其國女主憂

大象旁通曰日暈房一重者其下有兵起日在房暈
每重主公卿有陰謀三重及五重大臣專恣切天
子柄七重及十重天子大亂其國亡君

陳卓叙占曰日暈在房內赤外青白其國王道不行
暈內青黑外赤黃旁有黑雲氣往來奄覆者主其
國有大兵喪

廣古今占曰日在房暈上有黃冠氣者其國君有喜
若暈內外俱有黃氣主天子有子孫之慶

海上通占曰日在房暈旁有兩珥當有大慶若有三
珥者女主有喜有四珥者天子當立侯王亦子孫
之慶期三年

京房外傳曰日在房暈中有青白氣外有黑雲相摩
旁有白氣如帶相縈者其國昏亂無君亦曰國失祚

月蝕房宿

天文總論曰月蝕房大臣有憂

天文錄曰月在房蝕公卿大夫有當黜者又曰始耕
之臣有黜者

武容曰月在房蝕王者昏亂大臣專政

大彖旁通曰月在房蝕主大臣有憂一日擅權以事
露坐法若月在房蝕春甲乙則大臣失勢月在房
夏蝕丙丁天子禁廷有兵月在房秋蝕庚辛其國
有兵起爲亂一日有急兵月在房冬蝕壬癸其國
大水亦曰大臣惡之四季月在房蝕戊己其野有
土役下民勞怨

陳卓叙占曰月旁在蝕非其月其國女主有憂亦曰
後宮有喪若月蝕在房旁有黑雲相掩者其野有
被黜妃后一日后妃失勢

月暈房宿

天文錄曰月暈房行三軍者戰苦穀貴

天文總論曰月暈房有兵若暈三宿有小赦暈房有
糠星大風發屋折木不然地震期一百日內若暈
五舍不出百日有赦令

廣古今占曰月在房暈不周者期三日有急雨月在
房暈半房有珥者天子有德令及天下若暈周有
兩珥者及中有黃氣天子有大赦

陳卓叙占曰月在房暈及三重中黃氣上有冠下有
履者主有自立諸侯一日女主擅權

京房外傳曰月在房暈在右及兩舍內赤黃外青白

者有急兵亦曰大將以兵叛主良民受禍天子憂兵
大象旁通曰若兩軍相當月暈在房及三重及七重
者先舉者死大將亦曰兵潰將亡若内外有黑氣
奄覆先戰者將不利一曰將軍惡之

一行游儀後論曰月在房暈內黑外青赤及五重至
十重者其國大饑兵起千里饋糧下民勞怨

月犯房宿

天文錄曰月犯房四星彗多死

河圖帝覽嬉曰月行中道是謂安寧天下和平舉兵
不吉領被其刑逆天之命辱以無名又曰月宿天

疏中央軍罷不過三十日月行陽環多小暴事月
行陰環多陰事小兵起

却萌曰月當天門天駟之間五穀熟人主壽

荊州占日月出四表之南人君有憂出四表之北人

民疏也

却萌曰月宿房南粟稻不美

武容日月行太陽天下亂月行太陰天下兵月行中
道天下平又曰月行房南一丈爲喪多暴獄大旱
三五尺小旱月出房北一丈爲兵天子傍有亂臣
有大水應在月衝

天文總論曰欲知來年水旱但看月行即知之若月
行陽道旱行陰道雨行中道其歲太平五谷豐盈
一日月行陽道有兵行陰道有陰謀事又日月犯
房上將上將誅次將上相次相占同

李淳風曰月變於房名奭駟馬出時令不順

古今通占日月逆行房陽道主天下大旱亦地千里
民不粒食逆行房陽道主天下大旱水江河合流行
舟入市慎行房之中道則天下太平四海肅清歲
豐民富

陳卓叙占日月行房南數丈所主臣下有僭竊者露

坐誅曰行房北教文所主臣下有陰謀者若月行
房上則百姓怨君令急月行房下則公卿不畏國
法月行房中天下和平

魏明帝景初元年二月乙酉月犯房第二星占曰將
相有憂其七月司徒陳矯薨二年四月司徒韓暨
晉成帝咸康五年七月己酉月犯上星占曰將相憂
是月庚申丞相王導薨庾冰代弼政八月太尉却鑿薨

宋武帝永初三年六月辛巳月犯房占曰將相有憂
豫州有災其年虜略青兗司三州廬陵王義真
廢王鎮豫州也元嘉三年司空徐羨之等伏誅

晉穆帝永和二年二月壬子月犯房上星四月丙戌
月又犯房上星四年七月甲寅月犯房占曰兵起
將軍死八月石季龍太子宣殺弟韜宣亦死

晉永和六年二月丁丑月犯房占曰將相愛是歲日
徒蔡謨免爲庶人

晉穆帝永和九年三月月犯房占曰兵起是時帝幼
冲后母稱制將相有隙兵革起慕容儁僭號燕
王攻伐不休

義熙八年七月癸亥月奄旁北第二星占曰有喪是
年八月皇后王氏崩 乾象通鑑卷第三十三

乾象通鑑卷第三十四

河間府免解進士臣李

李奉

聖旨編

列舍房宿後論

歲星犯房宿

榮惑犯房宿

鎮星犯房宿

太白犯房宿

辰星犯房宿

客星犯房宿

彗星犯房宿

孛星犯房宿

流星犯房宿

雲氣犯房宿

歲星犯房宿

天文錄曰歲星犯房五穀豐治太平民無疾疫有德
令歲星守房有大赦天下和平

天文總論曰歲星入房人主有喜大將封爵祿

陶隱居曰歲星守房天下和平留四十日五谷登人民安
荊州占曰歲星去宿房三寸王者失政近臣叛

却華曰歲星入房更政令若歲星與房合明年有大
喪大水歲星入房中道其君不居明堂歲星居房
南歲多旱五穀傷居房西民多傷居房北舟楫

切輕舟用牛多死居房東馬多死

司馬彪天文志曰歲星守房右糴貴臣死

武密曰歲星犯房將相失位將有憂歲星居房人主
將相有憂

石氏星經曰歲星守房良馬出廐

古今星釋曰歲星犯房南歲大旱民饑逆犯房北天
下大水糴責民流亡若歲星不依軌度逆犯房奄
房星不見天子憂內亂一日相急兵

漢孝明帝永平十六正月丁丑歲星犯房右驂第
一星不見辛巳乃見房右驂為貴臣歲星犯之為
見誅是後司徒刑穉坐與阜陵王延交通知逆謀

自殺

魏明帝景初四年丁酉十月歲星守房占曰將相有
憂一云有大赦明年正月大尉鄧艾司徒鍾會並
誅咸熙二年秋有大赦

晉穆帝升平元年十一月歲星犯房占曰豫州有災
其五月符堅殺苻生而立十二月慕容儁入屯鄴
二年八月豫州刺史謝奕死

義熙十二年五月甲申歲星留房心之間宋之分野
始封劉裕為宋公

榮惑犯房宿

天文錄曰榮惑入房間地動三月四月大赦守房天

下更政有德令

天文總論曰熒惑犯房馬貴

武容曰熒惑犯房國君憂色青憂表色赤憂兵無
將相死色白芒角火災又曰熒惑入房中道天子
有子若行房南為旱守之為喪行房北為水之守
為兵一日熒惑入房馬貴

李淳風曰房四星股肱之臣將相之位五星犯之皆
為將相憂

却萌曰熒惑入房大臣弒主一日熒惑入房天子之
官大臣有叛者期六月

荊州占曰熒惑出入房中道良馬用天下兵滿野將相為盜

井德曰熒惑貫房其下有饑國若守房天子車馬有敗責人病若守房成鈞已及鏤統者天子失其宮期六月

挺佐輔曰熒惑居房陽為喜居房陰為憂

摘七辟曰熒惑犯房亡君之戒

文耀鉞曰熒惑犯房將為亂王者惡之若熒惑與房合車騎馳人走

宋均曰為諸侯所逐則熒惑必先犯房

郝萌曰熒惑犯乘宇房左右終左眼其君死中犯乘
宇右終右眼夫人死若熒惑留宇房五日主戰白
房二十日主出若逆房有失火若宇房十日成鉤
己者臣弑主一日成鉤己者火又曰熒惑環繞房
不由止舍往來房旁人主無下殿無出宮闕有伏兵
運斗樞曰熒惑守房諸侯霸

黃帝曰熒惑守房大臣為亂天下兵作五年而止

荊州占曰熒惑守三十日己上王者有憂若色怒芒
角凌犯有大兵改正朔秦燕趙代變一日熒惑守
房期一年有大臣盜國寶兵起於后宮有老角凌

犯者大人憂

雜書雜罪級曰焚或勾已旁人主憂說題辭曰焚或
勾已入房天下改服

黃帝曰焚或勾已環繞房大人看憂

李佺曰焚或入房馬貴出房馬賊

魏明帝太和五年焚或犯房占曰房四星股肱臣將
相位若月五星犯守之將相有憂其七月車騎將

軍張郃追諸葛亮所害十二月太尉華歆薨

陳武帝永定四年二月甲午焚或犯房右驂三月已
未焚或又犯房右驂占日上相誅車馳人走天下

兵起其年十月豕宰晉公護率軍伐齊十二月柱
國庸公王雄力戰死之遂班師兵起將死之應也
後周高祖武帝保定四年熒惑犯房右驂詔大將軍
太豕宰晉國公護率軍伐齊十二月柱國庸公王
雄力戰死之遂班師棄豫州而還

後周靜帝大定元年正月乙酉熒惑奄房第一星占
日房為將相熒惑奄之大臣者憂至二月庚申大
丞相隋王楊堅相國總百揆甲子帝遜位于隋

唐高宗上元三年止月九日熒惑犯第二星占日房
為明堂布政之宮熒惑犯之君者憂時帝風疾

不能聽朝政事皆決於天后詔令天后攝國政

鎮星犯房宿

天文錄曰鎮星犯房女憂守房則地動旱若大赦鎮星進守房其國兵退守房其國慶

天文總論曰鎮星守犯房王者喜不聞有赦

武密曰鎮星犯守房成勾已相者誅

坐咸曰鎮星在房貴人多死

荊州占曰鎮星失行至房王者有所誅若鎮星犯右
眼為秦魏犯左眼為楚犯右驂為齊犯左驂為趙

右申曰鎮星守房上功起宮室數移又多禍殃一日

旱地動兵起

陳卓叙占曰鎮星中犯乘守房南二星君死中犯乘
守房北二星夫人死

却萌曰鎮星出入留舍房有失國之君若犯房女主
之憂若鎮星逆行房女主出入恣一日女主千改
陶隱居曰鎮星入房有立女主為旱地動久守有兵
武密曰鎮星入房左右有去嫡還庶事若鎮星犯守
房勾己者相點

李淳風曰鎮星犯房戌勾己者夫人死

晉光熙元年九月己亥鎮星守房占曰多禍喪國內

亂天下赦之時司馬越專權終以無禮破滅內亂
十一月帝崩懷帝即位大赦天下

太白犯房宿

天文錄曰太白犯房四星合從合表謂行中道者守
犯土功大起布帛貴

天文樞論曰太白守房大臣有犯法者

陶隱居曰太白守房陪臣脅君有土功國亂布帛貴
久守民饑

郊廟曰太白出入房宿霜雪不時民饑牛馬多死一
曰有奸謀事貴女用事

坐咸曰太白入房相有憂為亂一日多火災五穀不成
春秋考異曰太白入房王失德

黃帝曰太白入房有大喪大臣死

荊州占曰太白與辰星守房土功起布帛貴將相失位

武密曰太白凌犯房君有憂色青憂喪色赤憂兵色
黑將相死色白毛角有大喪

李佺曰太白凌犯房色赤有兵戰

李淳風曰太白入房十日成勾己天子惡之宜以赦

解之

晉成帝咸康四年十一月戊子太白犯房上星占曰

上相晏丞相王導薨明年八月太尉都鑿亮又有
河南抄城之敗百姓流亡萬餘家

晉安帝義熙六年十一月丙戌太白抵奄鈞鈴占曰
喉舌憂其年有太保武陵王遵薨左僕射孔安國辛

辰星犯房宿

天文錄曰辰星犯房國有殃宇則大臣車

天文摠論曰辰犯房面宇者當有水災

李淳風曰辰星入房成日己為大人忌之以故全解之
海中占曰辰星入房民有漂死者馬大貴

占萌曰辰星入房將軍為亂

荆州占曰辰星入房奸臣有謀

陳卓曰辰星入房殺貴民饑

文懼鈞曰辰星入房地動

武密曰辰星入房胡兵起又曰辰星守房夏大潦

石申曰辰星入房臣謀主將劫掠天下

陶隱居曰辰星守房大臣相譖天下乖離

李佺曰辰星守房胡兵敗

客星犯房宿

天文錄曰客星入房糴貴若客星色赤入房馬貴出
房馬賤名寶者入者色白入房有攻戰

天文總論曰客星出房歷陽道則旱歷陰道則水又曰客星入房左右眼有來獻馬者出左右眼君人使諸侯以馬為幣又曰客星入房中道牛馬貴

甘德曰客星犯房國空氏饑

郝萌曰客星入宇房臣弑君若客星舍房左右羣臣有奪地者一曰客星在表之南多旱去高田耕下田客星在表之比多水去下田耕高田又田客星暴出房而入心者近臣謀其主若暴死期一歲

郝萌曰客星舍房左右曰羣臣有吞藥死者又占曰

有奪地

漢武帝元光元年六月客星于房占曰為兵十一月
單于將十萬騎入武州漢遣兵三十餘人萬以待之
後漢永平九年正月戊申客星出牛至房南城見五
十日房心為尔其後廣陵王荆與沈滌謀反事竟
自殺廣陵屬吳彭城古宋地

彗星犯房宿

天文錄曰彗星出房其分惡之

武家曰彗星出房天子失德諸侯舉兵若彗星貫房

王室亂

石申曰彗星入房天下亂禍患相殘

陶隱居曰彗星入房國危人亂

古今星釋曰彗星掃房天子憂兵一日國有異王一日有革命

大象旁通占曰彗星出房則所指之國除舊實新一日有改王有新立諸侯

字星犯房宿

天文總論曰字星犯房宿有兵

武密曰字星貫房大人亂

尚書中候曰字星出房中邦災

考異記曰字星貫房王室亂

井德日字干星犯房國空民饑兵起

石申日字星出房天子失道諸侯舉兵

天文別錄日字星于房天下自立諸侯諸侯不受制
于人君一日有彊臣

陳卓叙占日星字干犯房主亂兵潰大將受誅一日
人主憂內亂

春秋昭公十有七年冬有星字于大辰房心尾也楚
人及吳戰于長岸

後魏大延二年五月有星字于房占曰名山崩有亡
四至四年四月華山崩慕容斌之

流星犯房宿

天文錄曰流星蛇曲入房王者輔臣亡以赦除災年

中涓

天文總論曰流星春夏犯房有土功秋冬犯房宰相
流星抵房卿相有黜者

李淳風曰流星犯衝房有水災

武密曰流星入房其年有喪若流星抵房宰相出鎮
不出百日

乙巳略例占曰流星出房天子濟恤民下德令行若
流星入房大臣入賀國昌忠臣用流星色黑君憂

雲氣犯房宿

天文錄曰赤黃氣入房潤澤國寶者出者黑氣貫入
房間諸侯有使來言事者

天文總論曰看雲如人形而入房者后妃有子孕黃
雲氣入房諸國來獻珍寶者

却萌曰赤氣入房宮中有亂赤氣如波者宮燒出房
兵起黑氣出房宮中憂

武密曰蒼白氣出房將相憂

乾象通鑑卷第三十四

乾象通鑑卷第三十五

河間府免解進士李

李奉
慶山

曹在李

聖旨編

列舍心宿前論



心宿統占

心宿所主分野度數

心宿所管星

日蝕心宿

日暈心宿

月蝕心宿

月暈心宿

月犯心宿

心宿統占

傳曰心三星天王正位也中星曰明堂天子位爲大

辰主天下之賞罰天下變動心星見不祥前星爲太子後星爲庶子心星直則王失勢

星讚曰心爲天下海內主置積卒衛也

郝萌曰心星明太天下同心嚮風釋被又曰心宿前役星光明亦貴者太子庶子各有賜賀事

陶隱居曰心星欲大而明亦爲天子明德服天下暗小失常色天子微弱不能明斷星動搖爲大人有憂古今星釋曰心宿三星前一星爲太子後一星爲庶子中星爲天王正位星明潤光澤主天子以德化天下星暗及失常色大人有憂前星不明太子惡

之後星不明廢子失勢中星出怒角乍東乍西天子內弱不能威令四方

大象旁通曰心星踈圻主慶賞刑威不自天子必禮樂征伐制在臣下星就聚則臣不臣星光浮而數動搖則王者不安內朝星移徙都亦曰王失國前星亡則太子受禍後星亡則廢子有災中星亡天子失都亦曰王失勢三星俱亡則天下大亂一曰中土無君

心宿所主分野度數

心星五度距西第一星去極一百一十四度在赤

道外三十三度

舊經距西第一星去極一百八度

唐一行測心距西第一星去極一百一十度

天文錄曰心所主分野屬梁魯楚外國大食小倉獨
足并九小國

心宿所管星

罰星在心北其西南星入心一度

東咸星在心北其南星入心二度

天市西垣在心五度

日蝕心宿

天文總論曰日蝕心宿將相疑

甘德曰日蝕在心戒之在三公九卿刑罰不中

武容曰臣下相疑政令有失則日蝕在心

石申曰日蝕心主民饑兵起臣下謀叛

海中占曰日蝕在心其分有兵喪王者以赦除咎

大象旁通曰日在心蝕旁有黑氣相奄臣下專恣傲

慢無君亦曰人君內弱

古今星釋曰日蝕在心從上始者天子惡之從下始者九卿受之禍亦曰從中始者太子有坐廢者

謂中始為黑子

亦中始也

陳卓叙曰日在心蝕幾既天子憂內亂一日國有
兵患

河圖遺書曰日蝕心在晦主天子政令不行人君受
制彊臣日蝕心在二日主天子賞罰不一一日改
令失

京房外傳曰日蝕心京師見四方不見主天子有內
憂一曰廊廟有兵變日蝕心四方見京師不見主
邊臣有叛謀以宿命國

廣今古占曰日蝕心春甲乙日主君令急夏丙丁日
臣下有匿謀秋庚辛日有急兵冬壬癸日有冤獄

四季月戊己日有大役民勞怨

日暈心宿

天文總論曰日暈心其國憂

王蕃曰日暈心王者憂

武密曰日暈心每重其國憂兵亦曰有暴兵若暈再
重內青白外亦黃主兵自外入若內赤黃外青白
主兵內起

古今通占曰日暈心三重及五重中有白虹貫之其
國有地政一曰政教失人居有憂

陳卓叙占曰日在心暈一重至五重其野有兵憂內

黑黃外赤黃謀不成內黑外青赤其下有亂六若
上有黃冠者不成災

河圖遺書曰日暈心一重至九重者其野公卿有謀
中有黑氣者其下無君

一行游義後論曰日暈心有白氣貫暈如帶紫結其
國將失祚亦曰大人惡之

張子平通例曰日暈心及十重上有白虹貫之其國
有死君亦曰人君受制於彊臣又曰有篡弑之禍
大象旁通曰日暈心外有黑雲相掩覆者其國有臣

下坐法

月蝕心宿

天文錄曰月蝕心有賊亂

天文總論曰月蝕在心王者惡之三公憂

都萌曰月在心蝕公卿大夫有黜者

海中占曰月蝕心三星俱翳三將死國大饑

武密曰月蝕心其下有喪亦曰大人有憂

古今通占曰月心蝕幾既其國有彊臣人君內弱亦

曰大臣竊主柄

陳卓叙占曰月在心蝕從上者女主太子有憂從下

始者三公九卿受禍從旁始者有亂賊暴起

一行游儀後論曰月在心蝕既天晦不見星者天下將亂亦曰人君將失國若至曉月光不復者天下

大亂

張平子通例曰月在心蝕非其月其野有昏亂之君專恣傲慢之臣亦曰朝廷有憂

月暈心宿

天文錄曰月暈心宿其國大旱穀貴民饑

天文總論曰月暈心回足蟲為害牛馬多死

武密曰月暈心將有憂凶

李淳風曰月暈心麥貴

海中占日月暈心大旱赤地千里民饑

却萌曰月暈心三日不陰不雨有大喪亦曰有奇令
石申曰月一歲再暈心有火旱及大火其年兵起易
海中占日月暈心中有赤雲或白雲大如杵而貫月
大人當之或兵退

却萌曰月暈心再重大喜

荊州占日月暈心將易

武容曰月暈心與五星合暈王者大愛兵起相憂

大彖旁通曰月在心暈一月再暈暈再重者其國有
急兵若月暈心與太白合其國有兵喪月暈心與

災惑合朝廷有火災月暈心與辰星合國君有喜
廣古今占曰月在心暈一重至五重者其國穀貴民
饑亦曰有亂賊攘食為亂若暈七重至十重者其
國有急政下民胥怨百姓流亡國失祚人君奔

月犯心宿

天文錄曰月犯心大臣有憂

武密曰月犯心臣為亂國君有憂

海中占曰月犯心中央星人主惡之犯前後星太子
庶子惡之

河圖占曰月犯心有亂臣在高位

武審曰月乘心其國相死出心大北國旱宗廟災出
心大南君憂兵起又曰月變于心人憂君兵在外
大將憂無兵亦主太子有憂又曰奄心大星王者
惡之君奄心前星占曰貴人死亦曰太子惡之

大象夢通曰月干犯心中星不見主天王失位月倚
犯心前星太子爲庶人倚犯心後星庶子被黜

陳卓叙占日月犯心王者惡之亦曰有貴人喪又曰
太子有憂

廣古今占曰月犯心奄三星俱不見者其國臣下專
恣月犯心之陽其國大旱犯心之陰其國大水又

日月犯心太南太北主水旱不時五穀傷糶涉貢
百姓流亡其國民困

漢成帝陽朔元年七月壬子月犯心星占曰其國有
憂若有喪房心爲尔分是也十一月辛未楚王友
薨

魏文帝黃初四年三月癸卯月犯心大星占曰心爲
天王位王者惡之至七年五月帝崩

景初二年二月己卯月犯心距星又犯中央大星案
占曰王者惡之犯前星太子有憂三年正月帝崩

晉穆帝永和六年二月辛卯月犯心大星占曰大人

憂是歲司徒蔡謨免庶人

晉永和十年三月甲申月犯心大星占曰王者惡之
是歲桓溫命朝臣多見逼脅四月溫伐苻健破其
燒柳軍二月慕容恪攻齊

晉哀帝太和六年閏月辛卯月犯心大星占曰王者
惡之十一月桓溫廢帝并奏誅武陵王簡文不許
溫乃徙之新安皆臣疆之應也

晉孝武帝寧康元年正月戊申月奄心大星案占曰
災不在王者則在豫州二日王命惡之七月桓溫薨
晉安帝義熙五年閏月己巳月奄心大星占曰王者

忠之至六年五月盧循逼郊旬宮衛被甲

後梁高祖乾化二年二月戊寅月犯心大星是時帝
分兵攻脩縣不克閔晉師將至乃自秦強疾驅而
還詔且至具州抄招討使揚師厚奏詐者攻擊秦
強密取脩縣都指揮使許從實張止言朱彥柔等
惟圖自保不務立功合舉奏者詔許從實等並準
軍令處分

唐憲宗元和十四年五月庚寅月犯心前大星西南
一尺所至十五年正月二十七日憲宗崩穆帝即位
後梁高祖乾化二年四月甲寅月奄犯心大星占曰

其下君憂乙卯詔以星辰違度令兩京及魏州禁
屠宰兩月仍於佛寺開建道場至九月戊寅郢王
友珪鎮親信馮廷諤夜入禁中持劍刺帝遂崩於丙
漢隱帝乾祐三年七月月犯心大星至丙子誅樞密使

楊邠侍衛都指揮使史弘肇三司使王章皆夷
其族是日帝遺腹心齋密詔令澶州節度使李洪
義誅侍衛步軍指揮使王殷令鄴都護聖都指揮
使郭崇奉國都指揮使曹英害樞密使郭威及宣
徽使王峻李洪義受得密詔知事不免乃引使人
見王英又遣齋密詔至鄴都威得之召諸將皆稱

高宗文獻皇帝
九
顯從公入朝以除君側之患其安天下帝遣慕容
彥超拒戰大敗郭允明知事不濟乃剗刀於帝前

乾象通鑑卷第三十六

河間府免解進士臣李李奉

聖旨編

列舍心宿後論

歲星犯心星

熒惑犯心星

鎮星犯心星

太白犯心宿

辰星犯心宿

客星犯心宿

彗星犯心宿

孛星犯心宿

流星犯心宿

雲氣犯心宿

歲星犯星宿

天文錄曰歲星入心天下諸侯有慶賀之事歲星出
入留舍心有德令天下大豐春夏穀賤秋冬價平
犯乘守心則國豐

天文總論曰歲星經心而清明昭列其國內奉王化
帝必延年

陶隱居曰歲星經守心則天下吉喜

却明曰歲星入心則天下諸侯有慶賀期九十日

荊州占曰歲星守心七日以上至七十二日陰陽和
平王者得天心忠臣皆用四夷咸服天下安去之
七寸內有暴貴者不出一百八十日

石申曰熒惑守心赤白主地動若色黑臣謀叛主

秦始皇時熒惑守心芒角色赤如雞血占曰大人有

憂其後始皇崩嫡庶相殺二世即位殘骨肉致儕相

漢高祖十二年二月熒惑守心占曰王者惡之上擊

黥布時爲流矢所中疾甚呂后逆迎良醫曰可治上

怒曰吾以布衣提三尺劍而取天下此非天命也

命乃天雖扁鵲何益上遂不使治至四月甲申

帝崩于長樂宮

漢成帝綏和二年春熒惑守心二月乙丑丞相翟方

進欲塞災異自殺三月丙戌宮車晏駕

晉武帝太康八年三月熒惑守心占曰王者惡之太
熙元年四月乙酉帝崩

晉惠帝元康九年六月熒惑守心占曰王者惡之後
帝見廢皇太子俄而三王起兵討趙王倫倫悉遣
中軍兵相距累月

晉光熙元年九月丁未熒惑守心占曰王者惡之是
時司馬越專權終以無禮破滅內亂之應也十一
月帝崩懷帝即位大赦天下

梁高祖武帝大清三年正月壬午熒惑守心時候景
叛逆四方征鎮入援者三十餘萬莫有鬪志自相

抄奪而已丁卯賊攻陷宮城從兵大掠年未獲軍
退散四月己酉帝以所求不供憂憤病五月丙辰
帝崩於淨居殿

唐明皇帝天寶十三年五月熒惑守心五十餘日占
曰心爲明堂熒惑犯之爲大饑兵起臣叛是秋霖
雨六十餘日物價暴貴人多乏食令出太倉米一
百萬石賤糶濟民至次年十一月范陽節度使安
祿山率蕃漢兵十餘萬自幽州反南面指闕以誅
揚國忠爲名民饑兵起

後梁高祖乾化二年五月壬戌熒惑犯心大星占人君

惡之尋後晉王率蕃漢大軍來援潞州攻壞夾城
梁軍大敗招討使符道昭死

梁太宗簡文帝承聖三年十一月熒惑守心帝觀之
慨然而謂朝臣文武曰吾觀天象將恐有賊但吉
凶在我運數由天避之何益魏軍進逼帝乘白馬
素衣出東門抽劍擊閭曰蕭世誠一至此乎魏師
至凡二十八日徵兵四方未至而城剋在幽逼求
酒飲之製詩四絕梁主營遣尚書傅準監刑行營
謂之曰卿幸為我宣行準捧詩流淚不能禁進士
囊而殞之太子諸王並被害

唐太宗正觀十七年三月丁巳熒惑守心前星為太子熒惑犯之太子愛至四月庚辰朔皇太子承乾有罪廢為庶人漢王元昌吏部尚書侯君集並連

家伏誅

鎮星犯心宿

天文錄曰鎮星入心宿大臣喜五穀成守心則有土
功事帝德廣運天下太平國安大人有喜益地
天文總論曰鎮星在心其色黃潤光澤君有實事守
星心三十日已上有赦

武密曰鎮星犯乘凌心則天下大赦

天文總論曰太白犯守心則其分有怪

李淳風曰太白犯心將軍憂兵

陶隱居士太白守心有水災

井德曰太白犯心三寸已內帝親統兵劔戟上殿將

軍士羣臣出

郊萌曰太白犯心糴貴

石申曰太白犯守心車騎滿野其下有喪

巫咸曰太白守心姦臣謀其主

海中占曰太白守犯心不出一年有兵殃在貴人

郊萌曰太白犯心王者怒之有姦謀又曰天子亡財若

退守心容軍大饑

武審曰太白含心色不明有喪若犯乘凌守心太子位太子憂廢子位亦然若逆行環繞心成鉤已大人惡之

巫咸曰太白守心宮內有兵

石申曰太白守心有火災民饑

李佺曰太白干犯鉤已心大戰不勝將軍死

漢孝桓帝永壽三年七月丁丑太白犯心前星爲太
臣後二年四月懿獻皇后以憂死大將軍梁冀使
太倉令秦宮刺殺議郎酈遂又欲殺鄧后母宣事

覺桓帝收冀及夏孫壽襄成君印綬皆自殺諸梁
及孫氏宗族咸徙邊

晉安帝永興元年七月庚申太白入心占曰爲兵喪
是月有蕩陰之役九月王浚幽州刺史和演攻鄴
鄴潰於是兗豫爲天下兵衝陳敏又亂楊土劉元
海石勒李雄等並起微賤跨有州郡皇后羊氏數
被幽廢

後唐末帝清泰三年九月甲辰太白犯心占曰君憂
是月張敬達奏此月十五日與契丹戰於太原城
王師敗績投兵杖相藉而死者山積是夕收合縣

衆保於晉祠南晉安寨番軍整而圍之自是音問
阻絕朝廷大恐

辰星犯心宿

天文錄曰辰星犯衆守心明堂則大臣當之在陽爲
燕在陰爲胡不則地動有大雨

陶隱居曰辰星犯守心則布帛貴

石申曰辰星犯守心以水滅火三日不去主憂大臣戮
巫咸曰辰星守心徭役煩賦歛衆又曰爲多盜賊

却萌曰辰星犯衆守心大臣當之在陽爲燕在陰爲胡
海中占曰辰星犯心民去其鄉里一日大雨不可當

武容曰辰星守心有大水政失網紀

李淳風曰辰星守心多盜賊若乘守王者有內亂臣

下謀上

石申曰辰星犯心水旱仍興兵革起布帛貴

天文錄曰客星入心有德令丞相憂病有大赦期三
月守心不過三旬有善令客星色黃白入心左星
少子受賜入右星太子受賜

天文總論曰客星犯乘凌心則旱君好脩飾臺榭

李淳風曰客星入心諸侯來使者出心君使入於

諸侯

荊州占曰客星守心天下有災

却萌曰客星舍心兵起君憂

黃帝占曰客星守心糴貴民饑有土功

甘德曰客星入心天子有喪又曰爲白衣會

却萌曰心上有一星去心一尺許中有謀心下尺許

外有謀心星多謀多星少謀少

多者爲人之多也

心上下俱

有星中外俱有謀星遠人遠星近人近近期百日

遠在期年

彗星犯心宿

天文錄曰彗星犯心則大臣相疑

天文總論曰彗星守心若出其分野蝗蟲起人民饑

荊州占曰彗星守心大臣謀上

武密曰彗星出心守之有大喪蝗蟲起人民流土又

曰兵起

荊州占曰彗星守心下臣謀上

石申曰彗星犯心大臣相疑君政失

古今星釋曰彗星長可丈所出心宿中共國有更王

一曰有更政

陳卓叙占曰彗星掃心宿中星天子惡之其國有虐

政以害良民

河圖遺書曰彗星如箒掃心宿不見則其國有陰謀
亦曰有革命

字星犯心宿

天文錄曰字星守心其國有兵

天文總論曰字星犯心大臣相殺有戮者

石申曰字犯心劔戟用兵起國亂

運斗樞曰字星守心大臣詐謀以亂國

武密曰字星守心天子有喪德令不出蝗蟲起民流亡

古今星釋曰星字于心中星色白天子有憂色青國

鐵色赤內庭有災色黃天子有慶賀事

大象旁通曰星字于心倚前後星東宮有憂庶子受禍若星色白如粉絮其國有大喪亦曰有暴兵

流星犯心宿

天文錄曰流星入心王者惡之

天文總論曰流星入心外國有使來流星大者使大
小者使小若色黃則有喜

武密曰流星入心色白者有來言義

却萌曰流星犯心臣叛又曰其歲大臣相賊若抵心
大臣相賊若犯太子星太子憂犯庶子亦然

武密曰流星入心遠國使來色黃以土功白以義青以憂黑以凶

乙巳略例曰流星入心遠國夷狄入貢大臣入賀出心天子遣使賞賜邊邑若色白有喪

雲氣犯心宿

天文錄曰黃氣入心天子有孫喜入心右星太子受賜黃白潤澤如足帛正抵心下者諸侯有來附於君者

天文總論曰青雲氣出心則天子使諸侯出入心外國遣使入中國

鄒簡曰青氣出心天子遣使使諸侯若黃氣如蓋覆
心天子有大慶又曰太子受賜若黃白潤如足練
而諸侯有納土者白氣入心姦臣在君之旁黑氣
入心太子有罪